

殷夢霞 李強 選編

外國人著 清史八種

2



殷夢霞 李強 選編

外國人著清史八種

第二冊

國家圖書館出版社

明治三十六年二月九日印刷
明治三十六年二月十三日發行

定價 大洋捌角

支那近三百年史

編輯兼
發行者

三島雄太郎

印刷者 日本東京淺草區黑船町廿八番地
酒井平次郎

印刷所 日本東京淺草區黑船町廿八番地
東京並木活版所



發賣元

開明書店

上海四馬路東首

〔日〕邨山緯 〔日〕永根鉉 編

清鑑易知錄

八卷之卷七、卷八

日本寛政九年（1797）刻本

和奉第二類第五十六號

清鑑易知錄



七

第二冊目錄

清鑑易知錄 八卷之卷七至卷八		一
滿清史略 二卷		二四三
支那近三百年史 二卷		四一九

清世祖章皇帝實易知錄卷之三

北苑邨山緯伯經

同編

南部 永根鉉元鼎

兄 錫元寧校

順治五年春正月戊申遣學士額色黑等賚勅往諭朝鮮

國王李倬

勅曰向來李使官員王禮敬太過今後筵宴拂椅席送盃箸儀節俱不必行只對坐舉盃竟席

而止又聞嘉山大定江等三處搭橋人民勞苦今後悉行停止只預備堅固紅隻用心濟渡向來使臣先宿碧蹄次日方進王京今後在弘濟院住宿次日清晨即進王京所與使臣禮物皆出自民間先已減免今後復慮仍煩百姓再行酌減定為條例正使銀五百兩綿紬二百匹布二百匹疋布六十匹豹皮十張大紙五十卷小紙一百卷水獺皮

三十張。青黍皮十五張。花蓆二十條。鹿皮七張。順刀二口。小刀十把。被褥一副。靴襪各一隻。鞍馬一匹。空馬一匹。此外盡行停止。副使銀四百兩。
餘如正使以下官員有差畧。

辛亥。原任浙閩總督張存

仁奏報。偽宜春王朱議衍率衆據汀州。總兵于永綬破其寨。議衍就擒。命誅之。
辛酉。定王公府第制。
癸亥。靖遠

大將軍和碩肅親王豪格率師還京。

二月丁卯。固山額真公戶部尚書英俄爾岱卒。

英俄爾岱滿洲人初

理戶部事。後太宗文皇帝擢爲本部尚書。旋授固山額真。仍管部事。又以娶多羅饒餘郡王女。授多羅額駙。奉職精勤。任事敏斷。人咸稱之。履貴不驕。誠實和易。部事無大小。悉委任焉。卒之夕。攝政王聞訃。夜半馳至其家。慟哭漏盡而返。諸王大臣往弔者。無不悲悼。
年五十三。
己巳。以平定浙東福建廣東遣

官祭告福陵昭陵。

甲戌。江南總督馬國柱疏報。江西總

兵金聲桓據南昌反。僞稱豫國公。王德仁僞稱建武侯。用
僞隆武年號。攻陷郡邑。庚寅。解議政大臣索渾任。壬
辰。偏沅巡撫線縉疏報。僞貴溪王朱常彪僞恢武伯向登
位。勾通苗賊寇沅州。臣等進勦。斬首三千餘級。獲常彪登
位斬之。

三月己亥。解錫翰議政大臣任。辛丑。幽繫和碩肅親王
豪格。丙午。命孔興燮襲封衍聖公。己酉。以固山額真

覺羅巴哈納爲戶部尙書。庚戌。命固山額真譚泰爲征
南大將軍。統領官兵討江西反賊金聲桓。

夏四月辛未。定殯殮發引焚化例。和碩親王以上。殯于庭
內。候造墳成發引。期年。

焚化多羅郡王貝勒頒于庭內五月發引。
七月焚化官民等頒一月發引三月焚化。

壬午平南大

將軍泰順王孔有德疏報大兵至辰州擒偽榮王朱有禎
子朱松又生擒偽奉國將軍朱運烜隨破永寧巢擒偽貴
溪王朱長標兵至廣西全州何騰蛟等遁去貴州銅仁府
廣西全州等苗徭共三十一處洞二百六十處俱各歸順
擒獲偽南威王朱寅衛并子朱載功偽長沙王朱由榔偽
輔國將軍朱華宗室共四十一人及諸偽伯偽總兵官員
甚衆丁亥平西王吳三桂自錦州移鎮漢中

閏四月癸卯以西訥布庫博爾會羅璽蘓拜沙爾虎達白
爾俱爲議政大臣甲辰禁諸王府商人及旗下官員家

人。在外者貿易。癸亥。命固山貝子吞齊爲平西大將軍。
統領官兵討陝西叛獍。

五月辛未。陝西總督孟喬芳疏報逆獍擁立僞延長王朱
識鏐。遊擊張勇擊敗之。識鏐就擒。命斬之。壬子。復以錫
翰爲議政大臣。戊子。天津妖婦張氏假稱故明天啟后。
同黨王禮張天保私製玉印令旗。謀爲不軌。被獲。伏誅。
六月辛丑。烏思藏聞化王王舒光等遣使貢方物。癸亥。

太廟工成。

秋七月丙子。輔政德豫親王多鐸以黃紉一襲授平西王
吳三桂子應照。攝政王見之。詫甚。以爲上賜也。詰之。知授

自德豫親王。王引咎。因命諸王大臣會議擬罪。多鐸輔政。仍罰銀五千兩。詔止罰銀二千兩。丁丑。談六部漢尚書

都察院左都御史各一員。以陳名夏爲吏部尚書。譙敬先

爲戶部尚書。李若琳爲禮部尚書。劉餘裕爲兵部尚書。黨

崇雅爲刑部尚書。金之俊爲工部尚書。徐超元爲都察院

左都御史。戊子。定諸王貝勒貝子公公主和碩格格等。

應用金器數目。

親王和碩福金金鞍各限一。郡王親一。鎗二。茶簫二。酒樽二。餘小器不限。以下有差。

辛卯。賜闡化王王舒光等貢使鎖南必拉式號妙勝慧智灌頂國師。錫之誥命併勅諭舒光等。

八月癸巳朔。南贛巡撫劉武元奏報。江西逆賊金聲桓王

得仁等擁衆二十餘萬。直犯贛界。圍城三月。官兵誓死決戰。殺賊萬餘。遺孽望風奔竄。報聞。己亥。保定巡撫于清濂疏報。東明土賊偽稱天正年號。糾衆數十萬。圍困縣城。總兵魯國勇同滿兵。併力剿殺。賊衆潰散。壬寅。授投誠唐通左夢庚鄭芝龍董學禮許定國子爾定爲一等精奇尼哈番。乙巳。命和碩英親王阿濟格同多羅承澤郡王碩塞等統領官兵。剿天津土寇。壬子。諭禮部曰。方今天下一家。滿漢官民皆朕臣子。欲其輯和親睦。莫如聯姻一事。凡滿漢官民有欲聯姻者。皆從其願。戊午。定諸王及官民婚姻聘禮。

九月己巳。封多羅貝勒勒克德渾爲多羅承順郡王。博洛
爲多羅端重郡王。壬申。命和碩鄭親王濟爾哈朗爲定
遠大將軍。統兵討湖廣逆賊李錦。丁丑。封多羅貝勒尼
堪爲多羅敬謹郡王。己丑。平南大將軍恭順王孔有德
等班師還。

冬十月丁酉。定遠大將軍和碩鄭親王濟爾哈朗疏報大
兵恢復曹縣。斬獲無算。生擒賊首李名讓張學允等。壬

寅。和碩禮親王代善薨。年六十六。王係太祖武皇帝第二

子也。

甲辰。定賜諸王以下修造園塋銀兩例。

以禮親王與衆不同。

特賜銀一萬兩。其餘親王五千兩。郡王三千兩。貝勒二千兩。貝子一千兩。公五百兩。

十一月甲子。江南總督馬國柱奏報。廣賊李成棟妄稱惠國公。始踞南雄。繼而勾連尚蠻土寇。號稱百萬。直犯贛城。撫臣劉武元等大破之。成棟單騎走。斬首萬餘級。戊辰。冬至。祀天。奉太祖武皇帝配享。追尊太祖以上四世。高祖澤王爲肇祖原皇帝。高祖妣爲原皇后。曾祖慶王爲興祖直皇帝。曾祖妣爲直皇后。祖昌王爲景祖翼皇帝。祖妣爲翼皇后。考福王爲顯祖宣皇帝。妣爲宣皇后。辛未。以奉太祖配天。及追尊四祖考妣帝后尊號禮成。諸王群臣上表稱賀。大赦天下。癸酉。加皇叔父攝政王爲皇父攝政王。

十二月戊戌。和碩英親王阿濟格等聞大同總兵官姜瓖叛以聞。丁未。命固山額真巴顏等率官兵載紅衣砲赴和碩英親王軍前。同討姜瓖。

六年春正月庚申朔。上避痘。免朝賀。癸亥。命多羅敬謹

郡王尼堪等率官兵往平大原。丁卯。纂修太宗文皇帝

實錄。命大學士范文程剛林祁克格洪承疇馮銓甯完我

權充總裁官。戊寅。大學士洪承疇言。今平治大道。在各

省督撫總兵得人。今欲用得其人。宜實行保舉連坐之法。

如督撫總兵員缺。令吏兵二部滿漢堂官詳加評註。自書

姓名保舉。再與左右大臣議論相合。方行點用。俟後有功

效保舉者受荐賢之賞。若大謬僨事。保舉者受妄昧之罪。庶封疆民生兩有攸賴矣。報曰。以後用督撫鎮著。內院九卿會推。若有獨知真才。情愿保舉者。許自行保舉。得入者陞賞。誤舉者連坐。壬午。征南大將軍固山額真譚泰等奏報平復江西捷音云。叛賊金聲桓中二矢。投水死。

二月癸卯。攝政王多爾袞總統內外官兵。征勦大同。甲

辰。宴真人張應京於真人府。辛亥。平西王吳三桂等奏

報。偽王朱森釜偽定遠侯趙榮貴率逆萬餘。犯階州。臣等

前後分擊。殺賊七千有餘。陣斬森釜榮貴。山東巡撫呂

逢春奏。知縣呂朝輔率官兵。擊寇孫化庭。化庭勢窮。遂獻